

БАҒРИКЕНГЛИК ТУШУНЧАСИ, УНИНГ ГЕНЕЗИСИ ВА ЕТТИ ПИР ТАЪЛИМОТИДАГИ ЎЗИГА ХОС ТОМОНЛАРИ

Беҳзод Бахтиёрович ДЕҲҚНОВ

катта ўқитувчи

фалсафа фанлари бўйича (PhD) фалсафа доктори

Бухоро Давлат университети

Бухоро, Ўзбекистон

Аннотация

Ушбу мақолада бағрикенглик тушунчаси ва генезиси таҳлил этилиб, мамлақатимизда инсон қадри, унинг бирдам, ҳамжиҳатлик билан яшashi, миллатларaro тотувлик масалалари тавсифланган.

Таянч сўзлар: толерантлик, бағрикенглик, чидамлилик, ареактивлик, чидамоқ, тинчлик – улуғ неъмат.

ПОНЯТИЕ ТОЛЕРАНТНОСТЬ, ЕГО ГЕНЕЗИС И ОСОБЕННОСТИ КОНЦЕПЦИИ СЕМИ ПИРОВ

Беҳзод Бахтиёрович ДЕҲҚНОВ

старший преподаватель

доктор философии (PhD) по философским наукам

Бухарский Государственный Университет

Бухара, Узбекистан

Аннотация

В настоящей статье анализируется понятие толерантность, его генезис. Рассматриваются вопросы о достоинстве человека, умении жить в дружбе, межнационального согласия.

Ключевые слова: толерантность, великодушие, терпимость, ареактивность, терпение, мир – величайшее благо.

Бағрикенглик тушунчаси ўзгаларнинг хулқ-атвори, яшashi, турмуш тарзи, фикр-мулоҳазалари, гапириши, ҳис-туйғулари, эътиқоди, ҳаракатларига нисбатан сабр-тоқатли, чидамли бўлишни англатади. Ўзбек тилида нашр этилган луғатларда бағрикенглик “толерантлик” (толерантлик – лот. “tolerantio” матонат-чидам, сабр-тоқат) тушунчасининг синоними сифатида ишлатилади.

Бағрикенглик тушунчасининг трансформациясига назар ташлайдиган бўлсак, бугунги кунда турли сўзлар ва тушунчалар билан бағрикенгликнинг моҳияти акс этишиниenglаб олиш мумкин. Этимологик жиҳатдан ҳам “бағрикенглик” тушунчаси лотин тилидаги “tolerare” (чидамоқ, бардош бермоқ, тоқат қилмоқ) феълидан келиб чиққан. От сўз туркумига мансуб “тоқатлилик”

ўзбек тилига таржима қилинганда, “олиб юрмок”, “ушлаб турмок”, “тоқат қилмок”, “олиб чиқмок” каби маъноларни англатадиган “tolerare” феъли билан боғлиқ. Ушбу сўзнинг этимологиясини инобатга олган ҳолда янада аниқроқ ифодалагандა “tolerare”— айнан “олиб юрмок”, “олиб ўтмок”, “ўтказмоқ” каби маъноларга ҳам эга, зеро бу сўз “tolerare”-“кўтармок” сўзи билан ўзакдошdir. Шунингдек, “tolerantia” атамаси замирида “чидамлилик”, яъни, ҳолатни ушлаб туришга қодирлик, тайёрлик мазмуни катта ўрин эгаллайди .

“Бағрикенглик” сўзи “Ўзбек тилининг изоҳли луғатида”, “масалага кенг кўламда, очик кўнгиллик билан ёндашишлик”, тарзида изоҳланган . Айни пайтда, мазкур луғатдан “тоқатлилик” эмас, “тоқатли” сўзи ўрин олган бўлиб, “сабр-тоқатга эга; чидамли, тўзимли” деган маънода шарҳланган. “Тоқатсизлик” эса “бетоқат ҳолат” ифодаси сифатида изоҳ топганини кўриш мумкин .

Россия давлатида нашр этилган ижтимоий-социологик луғатда толерантлик тушунчасига қуйидагича изоҳ берилади:

- а) ўзга миллат одамларининг яшаш тарзи, хулқи, анъаналари ва қадриятлари, ғояси, фикри ва эътиқодига чидамлилик ва ҳурмат билан қараш;
- б) кутилмагандаги келиб чиқиши мумкин бўлган омиллар ва ҳодисаларга чидам ҳамда бағрикенглик билан қараш ва ёндашиш;
- в) салбий ва номақбул ҳиссиётлар таъсирига ҳам бағрикенглик билан ёндашиш.

Марк Наттурно толерантликни ўзга миллат вакилларининг маданиятлари ва қадриятларига чидаш ва сабр қилишни бағрикенгликдир деб, ўз фикрини шундай давом эттирган: “Менинг фикримча, биз эркин ва онгли мавжудот бўлганиligimiz сабабли айбни атрофдагиларга ағдаришдек бидъатлардан холи бўлишимиз керак. Алалхусус, бу толерантликка алоқадор бўлиб, ушбу толерантликни узоқ муддат эркинликка тўсиқ бўлиб келган диний, этник ва ирқий хурофотларни енгиб ўтиш йўлидаги уринишларимиз сифатида тавсифлаш мумкин”.

Марк Наттурно ғояларидан шундай хуносага келиш мумкин:

толерантлик – бу инсон ҳохламайдиган, ҳатто энг ёмон деб қаралувчи ҳолатларга сабр ва тоқат билан қарашдир.

Исломда ҳам толерантликка қатъий амал қилинган. XIV аср илгари Пайғамбаримиз (с.а.в.) умматларини бағрикенг бўлиб яшашга чақирганлар. Саҳобаларга барча жабҳада бағрикенг бўлиш кераклигини уқтириб, “Сотганда ҳам, сотиб олганда ҳам, ҳақ талаб қилганда ҳам бағрикенг бўлган кишига Аллоҳ раҳм қилсин”,-деганлар .

Ушбу масалада Президентимиз Ш.М.Мирзиёев маънавий соҳадаги ислоҳотларнинг моҳиятини ҳам толерантлик (бағрикенглик) тамойили асосида ривожлантиришга алоҳида эътибор қаратмоқда. Миллий маънавий анъаналаримизнинг аҳамиятига алоҳида урғу бериб, глобаллашув даврида давлатимиз ички ва ташки ҳаётида ўзаро хурмат ва ўзаро ҳамкорлик жамиятимизда энг муҳим ўрин эгаллашини кўрсатиб ўтди.

“Бағрикенглик” сўзининг маъноси, лотинча “чиdamлилик” демакдир. Одатга кўра, бағрикенглик – бегона қарашларни тажовузсиз, қаршиликсиз қабул қилиш демакдир. Ўзбек тилида бағрикенглик тушунчаси, қалбнинг кенглиги сифатида белгиланади, турли миллатларнинг миллий қадриятлари, анъаналари ва диний эътиқодлари ҳамкорлиги акс этади. Шунингдек, кўп динлилик мухити турли динларнинг таълимотларида сұхбат ва ўзаро тушуниш воситаси саналади. Биз буни турли ҳил қарашларимизда фарқлашимиш мумкин. Бироқ бизни келажакда бирлаштирадиган соҳалар мавжуд. Бу халқ орасида ахлоқий анъаналарни сақлаш, тинч ва осойишта жамият қуриш, ўзаро хурмат тамойилларини тарғиб қилиш демакдир.

Толерантлик (лот. Tolerantia – сабр-тоқат) , бағрикенглик – ўзгаларнинг турмуш тарзи, хулқ-атвори, одатлари, ҳис-туйғулари, фикр-мулоҳазалари, ғоялари ва эътиқодларига нисбатан тоқатли бўлиш. Ҳозирги дунёда толерантлик ўта муҳим аҳамият қасб этади, иқтисодиётнинг глобаллашуви ва бошқа жамиятда толерантлик тамойилининг аҳамиятини кучайтиради. Бағрикенглик тамойили муайян белгиланган қоидаларни тасдиқлайди.

Толерантлик (иммунологик толерантлик – барча антигенларга

иммунореактивлик хусусиятини сақлаган ҳолда организмнинг муайян антигенга нисбатан иммунологик жавобининг йўқолиши ёки сусайиши. “Толерантлик” термини инглиз олими П. Медавар (1953) томонидан кўчириб ўтқазилган бегона тўқимага нисбатан организм иммун системасини “чидамлилигини” кўрсатиш мақсадида таклиф этилган. “Иммунологик фалажлик”, “ареактивлик”, “антиген оғирлиги” каби терминлар толерантликнинг ҳар хил шаклларига мос келади. Ҳомиланинг аллоантигенларга нисбатан толерантлигининг физиологик ҳолати ҳомиладорлик пайтида вужудга келади, деган тахминлар мавжуд. Кон ҳосил қилувчи (плазматик) ҳужайраларнинг она қорнида бўладиган алмашинувлари натижасида ҳар хил тухумли эгизакларда ҳам қоннинг гурухланган антигенларига нисбатан ўзаро физиологик толерантлик пайдо бўлиши мумкин.

Кейинги йилларда яна бир сўз урф бўлиб бормоқда. Янги Ўзбекистон ғояларини ўзига жамул-жам қилган бу сўз – бағрикенгликдир.

Бунёдкор бағрикенглик ислом динида айтилганидек: Пайғамбаримиз Мұҳаммад (с.а.в.) тинчлик ва хотиржамлик ҳақида бундай деганлар: “Тинчлик ва хотиржамлик икки улуғ неъматдирки, бундан кўп одамлар бебаҳрадирлар” (Имом Бухорий ривояти). Афсуски, Аллоҳ таолонинг улуғ неъмати бўлмиш тинчликдан ҳамма ҳам бирдек баҳраманд бўлаётгани йўқ. Дунёнинг турли бурчакларида террорчилар ноҳақ қонлар тўқаяпти. Бундай мудхиш воқеаларнинг қабиҳ ниятли бузғунчи гурухлар томонидан амалга оширилиши бутун дунё тинчликсевар ҳалқлари қатори Ўзбекистон ҳалқининг қалбини ҳам қаттиқ ларзага солмоқда. Биз терроризмга қаршимиз. Унинг мудхиш жиноятларини қаттиқ қоралаймиз. Шуни унутмайликки, муқаддас ислом динимиз тинчлик ва меҳр-оқибатни ўзида мужассам этган. Уни тоза ва ҳалол сақлаш, тухмат ва бўхтонлардан асраш, ёш авлодга унинг моҳиятини чуқур уқтириш, долзарб вазифаларимиздан бирига айланиб бормоқда. Айнан дунёда инсонлар ўртасида юқорида назарда тутилган нифокларнинг келиб чиқиши ва уларни экстремистик ва террористик гурухларга айланиб кетишига сабаб ислом динидан тўла хабардор эмаслиги ва бағрикенглик тамойилининг мавжуд

эмаслигидан далолатдир. Халқ орасида фитна қўзғатиш, тухмат ва иғво тарқатиш йўлидаги уринишлар тинчлик ва хотиржамликни издан чиқарувчи ҳодисалардан ҳисобланади. Бундай ҳаракатлар ислом динининг моҳиятига мутлақо зид экани Қуръони каримнинг Бақара сураси 191-оятидаги “Фитна қотилликдан ҳам ашаддийроқдир”, деган кўрсатмада янада ойдинлашади. Огоҳ ва ҳушёр бўлиб яшаш, тинчликни таъминлаш турли хил кўнгилсизликлар ва хавфу хатарларнинг олдини олишнинг зарурий шартидир. Зеро, гофиллик ва бепарволик турли нохушликларга замин яратади. “Тинчлик – улуғ неъмат”, деб эълон қилган динимизда бу йўлда нафақат амал билан, балки сўз билан ҳам зарар келтиришдан қайтаришган.

Бағрикенгликнинг уч даражаси бор:

Биринчиси, бирор кимса билан гаплашаётганингизда унинг хулқи ёки кўринишидаги бирор жиҳат сизга ёқмай қолди. Шунда ҳам сабр билан, унинг “айби”ни юзига солмай тоқат қилдингиз. Бу бағрикенгликнинг қуий даражасидир.

Иккинчиси, сизга кимдир нотўғри ва қўпол муомала қилди. Одоб қоидаларини бузди. Унга нисбатан сабр қилишингиз бағрикенгликнинг ўрта даражасидир.

Учинчиси, сизга бирор жиҳати ёқмай қолган ёки сизга нисбатан нотўғри муомала қилган инсонга кечиримлилик билан муносабатда бўлишишингиз ва унинг камчилигини кўтариб, ҳеч нима бўлмагандек энг гўзал муомалада бўлишишингиз бағрикенгликнинг олий даражасидир. Сабаби, ёмонликни яхшилик билан бартараф қилиш илохий амр бўлиб, унга буюк бобокалонларимиз, олиму алломаларимиз, фозилу арбобларимиз, мутафаккир аждодларимиз асрлар давомида амал қилиб келганлар.

Бутун умрини инсоният маънавий-рухий камолоти йўлига бағишлигар буюк ватандошларимиз Бухорои Шарифда яшаб ўтган Хожагон-нақшбандия тариқатининг Етти пири – Хожа Абдулхолиқ Фиждувоний –Хожай Жаҳон, Хожа Муҳаммад Ориф ар-Ревгари – Хожа Ориф Моҳитобон, Хожа Маҳмуд

Анжир Фағнавий, Хожа Али Ромитаний–Хожай Азизон, Хожа Мухаммад Бобойи Самосий, Сайид Амир Кулол [1] асли исми Сайид Амир Калон, Ҳазрати Сайид Мұхаммад Баҳоул-хақ вал-миллат вад-дунё уд-дин Нақшбанд ибн Сайид Жалолиддинлар бўлиб, бу улуғ зотлар соҳиби каромат, олими раббоний, Қуръони карим ва пайғамбар алайҳиссаломнинг суннатларини халққа етказиб, ислом дини ривожига муҳим ҳисса қўшган валиюллоҳлардир.

Хожагон таълимотининг теран илдизларидан бири Хожа Юсуф Ҳамадонийдир. Унинг “Рутбатул ҳаёт” асарида келтирилишича:

اثر عالی تر و بلندتر جان آن است که خداوند جل جلاله در قصه آدم و ملائکه یاد کرد. گفت ملائکه مقرب را "فإذا سویته و نفخت فیه من روحي" سجود این پاکان و مطهران از همه اجناس و ارجاس به نفح روح معلق کرد. اگر روح از ایشان پاکتر و مطهرتر و مزکی تر در ذات و گوهر نبودی. و در مکانت و قربت حضرت الهیت بر ایشان مقدم نبودی و به رقم بقای ابد سرمد از ایشان سزاوارتر نبودی مسجد ایشان نبودی [2]

Инсон жонининг олий ва улуғлигининг исботи Аллоҳ таълононинг Одам ва фаришталар қиссасида келган “Бас, қачон уни тиклаб, ичига ўзимнинг жонимдан киритганимда сизлар унга сажда қилган ҳолингизда йиқилингиз, дейилди” (Хижр 29-оят.) оядидир. Негаки, барча нажосат ва нопокликлардан покиза ва тоза бўлган бу фаришталарнинг сажда қилишларига сабаб Аллоҳ пуфлаб киритган жоннинг улардан ҳам покиза, тоза ва тиник эканлигиdir. Ҳазрати Илоҳийга қурбат ва маконатда ундан муқаддами бўлмайди. Шунингдек, абадий боқий сармадиятга унданда сазовори бўлмайди.

Хожагон тариқатининг асосчиси Хожа Абдулхолик Ғиждувоний бўлиб, у Бухоро яқинидаги Ғиждувон туманида таваллуд топган. Туркистон диёрининг ва бутун мусулмон шарқи халқларининг ифтихори бўлмиш буюк бобоқалонимиз Хожа Абдулхолик Ғиждувоний бошланғич таълимни ўз замонасининг машҳур билимдони, тавсиф илмининг султони Имом Садриддиндан мукаммал ўрганади. Ўқишни давом эттириб, йигирма икки ёшида Бухорода машҳур шайх Юсуф Ҳамадоний билан учрашади ва унга шогирд тушади. Абдулхолик Ғиждувоний Юсуф Ҳамадонийнинг Ахмад

Яссавий сингари энг ўткир шогирдлари қаторидан ўрин олади. Устозининг таълимотини ҳар томонлама ривожлантириб, амалиётга зикри хуфияни олиб киради. Устози унга хуфия усули билан зикр айтишга ижозат берган. Абдулхолик Фиждувоний тариқатларнинг энг машҳури ва мўътабарларидан бўлган тариқатга – Хожагон-нақшбандияга асос солган. Мусулмон оламида “Шайхлар шайхи” деган улуғ унвонга сазовор бўлган “Рисолаи соҳибия”, “Мақомати Хожа Юсуф Хамадоний”, “Аз гуфтори Хожа Абдулхолик Фиждувоний” номли буюк асарлар унинг қаламига мансубдир.

Абдулхолик Фиждувоний замондоши – шайх Аҳмад Яссавий йўлини давом эттириб, унинг таълимотини ижодий бойитди. Фикримиз исботи сифатида фарзанди учун маҳсус ёзилган “Васиятнома”даги фалсафий ғояларини келтириш мумкин. Абдулхолик Фиждувоний, жумладан, шогирдига қарата шундай дейди: “Эй, фарзандим, сенга васият қилурманки, Парвардигори оламга қаттиқ шайдо бўлгил, анинг йўл-йўриқларига итоат қилгил, бутун оламлар подшохи Тангри таолонинг расули Муҳаммад алайҳиссалом суннатларига амал қилгил, буюрган фарзларини адо этгил, ота-онанг ва тариқату шариатнинг барча шайхларига нисбатан ўз бурчингни пок бажаргилки, Оллоҳ сендан рози бўлсин. Оллоҳдан қўрққил. Қиёмат қойим рўй берадиган кун фақат анга аёндир ва ул сендин ҳисоб сўрайдир. Оллоҳ ғазабига учрамаслигинг учун гуноҳга ботмагил. Қуръон ўқишини кечаю кундуз канда қилмагил. Илм ўрганмасдан туриб, ишга Дин йўл-йўриқларини (пухта) билишинг, унга риоя қилишинг учун мудом фикр ва ҳадис ўргангил. Суннат ва тариқи жамоага мулозим бўлгил. Сени бу йўлдин оғдирадигон зотга ҳозир бўлмагил, ҳеч бир одамга кафил бўлмагил, ҳеч киши вас-ваёсига дохил бўлмагил, ҳаргиз шуҳратталаблик қилмагил, ул офат келтиргусидир. Мансаб бирла бўлгил. Одамларнинг мақтовига учмагил ва аларнинг муҳокамасидан хафа бўлмагил, шундай ҳаракат қилгилки, кўз ўнгингда бирон қийматта эга бўлсин. Уламоларни ҳурмат қилгил, шайхларга жонингни жабборга бериб хизмат қилгил, алардин мулкингни аямагил, аларнинг ғазабини келтирмагил, доимо эҳтиёт бўлгил. Тариқат йўлига кириб, уламолар

изидан боргил қуидаги беш хусусиятга дарвешликни бойлик деб билмаган, оддий ўринни фахрий ўрин деб билмаган, илмни нодонлик ҳисоблаган, ўзининг пинҳону ошкор ишларини сарҳисоб қила олмайдиган, охиратни унуган одамлар ила ўртоқ ва оға-ини бўлмагил”.

Абдулхолик Ғиждувонийнинг шогирдига қарат ҳаргиз шуҳрат талаб бўлма, кам гапир, кам е, оз ухла, ҳамиша ҳалол ва пок яша, ҳалол е, ҳаромдан парҳез қил, ҳар бир кишига меҳр-шафқат кўзи билан бок. Мехрибон бўл, ҳеч кимни ўзингдан паст ҳисоблаб, уни таҳқир этма, бирордан асло бирор нарса таъма қилма, деган ўгитлари ҳозирги замон ёшлари учун ҳам асосий йўл-йўриқдир. Хожа Абдулхолик Ғиждувоний “Васиятнома”сининг бутун мазмун-моҳияти, маънавий-маърифий, одоб-ахлоқ, таълим-тарбия масалаларига қаратилиган. Ғиждувоний жамиятга сидқидилдан хизмат этишни муқаддас вазифа – Оллоҳга яқинлашишнинг муҳим йўли деб билади. Шу йўлда у одамларни хонақоҳда ҳадеб ўлтиравермасдан, Оллоҳга тоат-ибодатни ҳаддан ташқари ошириб юбора бермасдан меҳнат қилиш ва ҳалол яшашга даъват этади.

Абдулхолик Ғиждувоний Хожагон тариқатининг устози Юсуф Ҳамадоний томонидан киритилган қуидаги 4 та рашха қоидасини ишлаб чиқиб, амалиётга жорий этишда ўзининг муносиб ҳиссасини қўшган:

Биринчи рашҳа (қатра): Ҳуш дар дам. Унинг маъноси “зикр асносида ичдан чиқаётган ҳар бир нафас хушёрлик ва огоҳлик ила чиқмоғи лозим”, дейишдан иборат.

Иккинчи рашҳа: Назар бар қадам. Унда уқтурилишича, “солик (тариқат аъзоси) ҳар қандай жойда юрганда ҳар бир қадамига диққат ила разм солиб, огоҳ бўлиб юрмоғи лозим”.

Учинчи рашҳа: Сафар дар ватан. У шундан иборатки, “солик башарий табиатда сафар қилсин, яъни башарий сифатлардан малакий сифатларга ва номаъқул сифатлардан маъқул сифатларга ўтсин”.

Тўртинчи рашҳа: Хилват дар анжуман. Бу қоиданинг маъноси “зохирда ҳалқ, билан, ботинда ҳақ, билан бўлиш”.

ФОЙДАЛАНИЛГАН АДАБИЁТЛАР:

1. Дехқонов Б.Б. Хожагон-Нақшбандия таълимотида бағрикенглик тушунчасининг фалсафий таҳлили: Фалсафа фанлари бўйича фалсафа фанлари доктори дис. – Бухоро, 2022 .
2. Исломов С.Т.Нақшбандия тариқатининг тасаввуф тараққиётидаги ўрни: фалсафа фан.ном...дисс. – Тошкент, 2008. – 165 б.
3. Наврузова Г. Н. Нақшбандия тасаввуфий таълимоти ва баркамол инсон тарбияси: фалсафа фан. докт. ... автореф. – Тошкент, 2002.
4. Назаров Б.Н. Ислом агиографияси тизимида Нақшбанд макомотлари макомотнинг ўрни ва унинг бадиий-услубий хусусиятлари (Бахоуддин асосида): филолог. фан. док ... дисс. – Тошкент, 2000.